



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七二三

湘綺樓全集三十卷（文集八卷詩集十四卷箋啟八卷） 王闢運 撰

一

湘綺樓詞鈔一卷 王闢運 撰

四五九

植庵集十卷 李慎傳 撰

四七三

湘綺樓全集三十卷

文集八卷

詩集十四卷

箋啟八卷

光緒丁未墨莊劉氏

彙刊長沙

湘綺樓全集

王	生	八
湘	文	卷
綺	集	目
卷	序	錄

光緒丁未聚於長沙

卷一	賦	目錄
卷二	奏疏	上書
卷三	論議	序
卷四	頌	箴
卷五	傳	銘
卷六	誄	祭吊
卷七	墓志	碑
卷八	行狀	

湘綺樓文集目錄

卷一 賦

哀江南賦 用庾子山舊韻

愁霖賦 并序

弔舊賦 并序

上征賦

會試萍始生賦

牽牛花賦 并序

謝哈密瓜賦 并序

卷二 上書 奏疏 上書

擬李鴻章陳苗事摺子 陳夷務疏

上巡撫惲侍郎書

爲羅運使勸上曾總督書

文集目錄

與曾侍郎言兵事書

與盧生書

與李少荃書

到廣州與婦書

沛南寄婦書

上張侍講啟

卷三 論 議 序

御夷論一

御夷論二

常文節祠議

論語訓序

莊子注序

墨子校注序

老子注序

題鵬冠子

代豐春秋例表序

六書討原序

王兵備詩集

八代文稗序



巫山天岫峯詩序

秋醒詞序

穀梁申義序

衡陽縣志序

湘潭縣志序

桂陽州志序

尚書太傅序

蕉雲山館詩文集序

卷四 頌 銘 銘

桂頌 并序

巡撫吳尚書六十壽頌

嚴通政庶母任氏壽頌 并序

女箴 并序

影山神堂銘

珍珠泉銘 并序

文集目錄

卷五 傳

李仁元傳

儲政躬傳

陳景雍傳

鄒漢勳傳

丁銳義傳

羅熙贊傳

郭新楷傳

嚴成傳

黃澹熙傳

陸建瀛傳

今列女傳

卷六 哀誄 祭 頌

黃司使誄 并序

羅季子誄 并序

王祭酒母鮑太夫人誄 并序

丁文誠誄

余世松誄 并序

彭壽頤哀詞

莫姬哀詞

帥芳哀詞

嚴伯受甫哀詞

弔宋生文

祭常都尉文

衡州西禪寺碑

詔建定興鹿壯節祠碑

清故湘潭縣學附生王君之碑 并序

曾孝子碑文

皇朝追贈總督銜調任山西巡撫湖北巡撫諡文

節常公神道碑

衡陽常氏家廟碑

振威將軍武提督碑

文集目錄

巫山神女廟碑

王仲章碣 兄代功撰妹滋書妹璵篆額

曾孝子妻嚴氏靈表

管太宜人吳氏神誌

永興教官賀君墓表

龍中允妻熊氏墓表

卷七 墓志銘

采芬女子墓誌銘

皇朝追贈布政布銜子諡忠壯記名湖南道員鄧

陽黃君墓志銘

鄧太夫人鍾氏墓志銘

常文節妾蔣氏墓志銘

張祖同妻周氏墓志

贈太子太保兵部尚書世襲一等輕車都尉剛直

彭公墓志銘

皇贈侍郎賜祭葬光祿大夫貴州布政司使王君

墓志銘 并序

振威將軍張君墓志銘

皇中憲大夫候官陳君墓志銘

瞿學士妻吳氏墓志銘

李編修妻郭夫人墓志銘 并序

慈谿令秦君墓志銘 并序

張安化妻錢氏墓志銘 并序

文集目錄

常儀庵先生墓志銘 并序

皇清誥授榮祿大夫故兵部侍郎都察院右副都

御史巡撫安徽兼提督奇齊葉勒特依巴圖魯

唐公墓志銘 并序

蔡夫人墓志銘 并序

皇清誥授中議大夫彭君墓志銘

皇清誥授中議大夫衡陽程君墓志銘

皇清例贈文林郎王君墓志銘 蔡鏡春撰

陳永豫墓志銘

鄧氏大姊王娥芳墓志銘 妹滋撰

皇授光祿大夫兵部尚書右都御史雲貴總督

贈太子太保子諡愷慎劉公墓志銘并序

卷八 行狀

長沙攸縣慶都能君季七十六行狀

誥授光祿大夫太子少保兵部尚書詳勇巴圖魯

世襲一等輕車都尉 欽差巡視長江水師

贈太子太保衛陽彭公季七十有五行狀

桂陽直隸州泗洲岩陳侍郎季六十有九行狀

陳侍郎側室李恭人行狀

旌表節孝晉封太夫人衛陽程太夫人萬氏季八

文集目錄

十有七述狀

五

湘綺樓文集卷第一

長沙湘潭王闓運字壬父撰

賦

哀江南賦 用庾子山舊韻

誌

皇圖之肇夏稟九有而分官制幽燕以疆幹控江淮而

鎮瀾蒸重熙以慈馭祀二百而孟安惟

聖人之紹興軼啟丁而嗣主德希盛於黃農賢夢求於

方虎屬巖荒之潛滋被含弔而蠢聚伊有苗之弗靈方

象荆於虞祖始賜旄而申伐期竝綏斯敷土臨時雨而

文集賦

出師望南雲而開府尚書舊望忠殫貞竭與疾蒙瘴乘

宵馳節方霜厲而雲騰嗟霧墜而風烈馬伏波據鞍而

不歸羊叔子登山而樹碣哀此偉人傷茲部民陽沈掩

幙雨泣攀輪

天題表石史筆刊勢既傷一老申命元臣軺車屬於象

郡組練耀於灘濱瞻高軒而起鳳持繡佩而分麟歎師

燔而屢折終論帥之無人元始開經之歲永和修禊之

年道極周而不返屯急難而思賢

天子宵衣罷食將軍武帳開筵占狼星而望氣翦鴟首

而欺天長虹暮直小月揚圓棘門霸上之軍執冰而弛

仗糲稷疎矜之士因利而控弦藩籬無合肥之戎將帥
無荀彧之武險既失於陰平道遂通於子午部曲參差
齊盟狎主羽林孰期門聽鼓俱雁行於道路錯犬牙
於樞轡尉佗弓及於長沙南郡舟回於江浦始開壁而
臥脂信墮墉而鑄柱於是人空千里楚山三戶睥角連
圍焉書落羽火城畫斷梯衝夜舞垣墉壞色之雲天少
洗兵之雨湖水騰波絕國無事援屯救趙之軍車返至
吳之使四郊無辱於大夫三軍不謀於元帥燕賀堂淡
魚游釜沸爛羊有關內侯封按粟有隴西都尉廬江車
馬揚州笙樂歌豫章之篇講石頭之學文雅風流簪裾

文集賦

花落負其天塹忘其犄角影纓者坐致公卿揮塵者羞
談管樂豈知山川黯黯戎師遠暑攻卽墨而不下望楚
師而氣索遂開網於前禽迺落帆於黃鶴奔騰而班馬
羣驚蹴踏而洞庭波濁泊日躔之在尾劇武昌之高墨
米無陶侃之船炬絕都官之雉防開地道兵虛背水重
鎮之忘忽焉諸侯之師搖矣方天下之全盛無蒼生之
繫命問艸木而驚弓秉權衡而失鏡怙其高下之心守
其優柔之性遂使謀同築室功無反正當凶徒之收卒
值時事之可爲險鹿非寸鏑之所制奔駒非朽索之所
縻方唇亡而寒齒嗟毛傳而無皮隘空設險都不彊枝

潯陽之長蛟浪激橫江之六鷁風吹下樅陽而振蕩逼
金陵而俯窺時則督師奔北元戎脫胷揮羽扇而潛逃
捧金甌而忽漏泣孤城而喪氣登山頭而望寇同馬懿
之畏虎若牛兄之遇猋虜無頓刃捕窮棲宿廟絕龍生
市虛犬闢大都淪覆妖氛橫扇百里金墉千秋舊甸蕩
橫流於滄海槍陸沈於中縣十萬橫戈三千被練莫不
擁刁斗而酣眠勞牲牽而歡宴有甯州之裂帛無燕師
之飛箭秦墓父之登鳳凰沙衛之奔殿不問笠穀之啞
坐觀臺城之變連寇高張王師不戰竟成白馬之謠虛
數閭城之扇三舍交綏十里長圍上游烽落舊壘灰飛

文集賦

廬州再建淮揚分裂豫章與鄰屏藩心折智急嬰城謀
疏鑿轍非墨子之併厖等酈生之掉舌文牛藏甲而歸
林封狐假威而憑穴秦士會之夫婦分離羅企生之弟
兄泣別郡少堅城官希全節鯨鯢奔涌烽煙冥滅南昌
勝區崇墉勢壯險失江防謀賁楚將樓上琴彈沙邊籌
唱焚郭相驚全師不喪列縣淪亡高秋恨愴九江浪急
漢水波長濡須不守夏口空防桑落有敗軍之地西陵
無太守之牆兩軍再北半壁云亡始則齊將漏師都軍
不發有返旆之叔敖無入軍之周勃轉餉齎糧厲兵蒐
卒未當一面屢營三窟不聞裹革之尸匪有封侯之骨

智小憂多身存名歿或以健鬪彰威虛聲久假地隄名
都陣分平野暫起李陵未當母寡惟萬里之奔命猶三
城之不下桂林告急將軍躍馬備同羊侃之城氣振武
安之瓦臨湘蒼黃危巢不覆桓桓總兵功齊路鹿壞壁
崩頽危陽驂驟巷哭同冤天痛怨酷辰州忠壯義聲方
睦氣激當關心雄轉軸豫章守禦謀漢計熟方伯奉符
尚書壞屋遂成申子之名用報漢源之哭且夫傾危顛
沛崎嶇邊塞仗節專城分符儼對風疾草動途窮駕稅
鑿白水而無慚豈青蠅之所礙濟長風之巨舟尊砥柱
於中游彼張參而冒刃實代遠而芳流惟全州之死守

文集賦

四

屹臨敵之孤樓身甯碎玉谿不同丘倡創藏而振臂聯
胡越於方舟未成功於祖逖方授命於周侯橫舫石鐘
之岸旋船楊葉之洲惟副戎之高節鬱劍氣於斗牛總
督方裴同歧路數騎斜趨泣詠牽裾扣舷阻渡徒聞屈
子之沈終失雷池之成朝服投江高名遠樹濟源文粹
饒民所恃路絕外援命寄百里蛇矛失盪龍淵躍水壯
士喪元一門同死合州繼陷大難又始江子一方誓於
碎身楚申鳴無慙於簋仕哀此數人光於國史運幕傳
雙之求生愧陸機之入洛崎嶇戎馬飄零無託始薄游
於彭蠡悵秋霜之早落方孟堅之撰征傷閒道之離索

幸生還而渡津返故國而掩扉義珩超之投筆歎李廣
之單衣方其追逐嵇王載酒山陽晴清鑄戟坐戒垂堂
江湖平鏡行旅連檣論王褒之講德陋宗慙之渡江楚
中樞梓江左葛王莫不雍容文翰希風洙泗履舄交酬
笙瑟閒至鎖鑰爲不祥之金禹鼎皆不逢之魅六師無
戒於張皇天馬不求於幽冀醴酌衢尊鑑徵欽器三五
季中一敗塗地東西交聘於軍書南北惟通於兵氣
廟算憂勤生民殄瘁於是公卿甲第渭川園圖月榭
重雲宮寺古煙空彩鳳之樓薪用盤龍之柱等阿房之
一炷傷郿塢之枉聚訪名士而問夷吾入隆中而求葛

文集賦

五

亮聚處士之虛聲言空高於古上驅傾同奔窺園久曠
元龍多問舍之談小艸無出山之望空陳玉軸之書說
答顧瑛之仗奉北闕之絲綸閱西疇之寔勤獲婦姑之
麥勞疆場之臣禾桑坐椅守望非眞流亡飢饉殲我農
人蕩子從軍關山已遠高樓思婦春閨已晚宋宋庭前
音書悄然夢中鼓角別後珠鞭望女子之氣無津吏之
船自我不見同歸百年披堅執銳舍生雪恥或同義萬
家或獨標干祀氣憤外綏餒平旬始將無全策謀無知
己臨易水而悲歌風蕭蕭其去矣況復魯難未已楚師
方起彼凶桀之構禍憑封豕於句吳更驅散卒實召狂

徒銜刀直渡義旅中渝未建法和之剝方飛張角之符
尋千戈而自戢繫微纆而待誅俄驚趙戰終棄漢孤王
導取飄零之舊節武昌爲蕭瑟之空都時事急難滄桑
萬端忽以羊而巳晚累素毅而求安湘妃樹藉夢澤雲
殘發南轅而俄返通東道而猶難奔軍亂轍斫吏探丸
靖州之中肯受檄匹馬犯寒土沈碧血骨葬青山猶得
堅陣再摧名酋遂殞羌平則器失虞公狄敗則元歸先
軫驚馬鳴哀黃巾氣盡笳空卻敵酒不消冤彼乘時而
岌岌旋因壘而言言潭州劫急湘水師屯徒聞棄甲莫
下縣門竟發盧循之矢方齊王濬之船戎師驟勝敵人

文集

六

開戶卷甲疾馳馮河搏虎營軍列於梁澁樓船臨於陽
浦射鷲隼而登墉獲雄狐而遇盡全其半局支於一柱
然而湘南大邑楚服名城拔茂草而求周道折細柳而
問長營出蒼鷺而識亂見海鳥而知兵索靖之言既驗
田單之族未行烏夜曉而轉急孤晝見而猶鳴落日傷
心之地悲風巷哭之聲長星之光燭天千里之血在地
問石城之重兵繫瓜步之彙帥護軍肩解蒼鷹翼攢圖
南之志未窮向北之波轉沸效杞侯之大去等申胥之
垂淚加弓武陵舊涇黔中隘陘劔及秦人之洞輪埋刺
史之亭朝逐賈生之鵬暮隨閔貢之瑩桃源浪白澧浦

煙青轟然并泮遺民盡散半夜雞荒空江星亂明月孤
城寒沙遠岸身危於潘岳神傷於荀粲瞻兄有行路之
諸望子有登山之歎縣渺關河浮萍逝波紅粉之樓迷
圯燕支之色無多感飽瓜於洛浦思織女於天河杞梁
妻之新曲伯玉子之哀歌別有遇馬前之筆輕亭刃之
威心高力弱節壯身微碧塗容而愈烈丹染轍而無歸
託文鸞而卽化指孔雀之南飛屬此貞運當茲道否厲
爲階而至今夫誰尸其禍始渤海政衰潢池盜起初發
難於一隅乃患延於五祀鷹鷂爲今日之良臣蟻鵲乃
當年之君子楫路將窮鼓聲多从鬼廟聞於北邙人蕭

文集

七

條於東市友紀未喪窮寇終以稟當陽而奉討卜周室
之再昌願漢思於設險儻無棄於姬姜尊主之隆歸於
賢方伯六師之盛思乎古明王王室未安諸侯釋位胡
南風之不競更江東之全棄謀士固聲勇夫喪氣豈豐
昃之當盈何眾人之皆醉余以蓬戶宋寥斗室同旋身
世悠悠秋風感焉歎英雄於廣武策天人於廣川壯風
雲而方起與日月而代遷耿介小兒之意張纘早達之
辛悲歌當泣離騷問天況以友朋離別前游渺然盛固
難紀憂殷方始不望貂蟬惟增馬齒或杖策而從軍及
攜琴而歸里昔之長嘯蘇門時復飲酣都市文無淵明

之賞門絕儒冠之士王敦如意之詩孫盛陽秋之史若使小年詞賦猶有好事楊雄江表文章豈直窮愁庾子昔庾子山漂泊江關哀時多難作賦一篇以發牢落之思至今盛傳於世文詞美矣洪逆之亂禍延七省按其地分皆古江南余才愧昔賢親逐戎馬雖無典午之建亦免南冠之窮多暇抽思殷勤屯筆乃爲新製竊用舊名既以江南冠題故淮北山東皆不列入卽此數省傳聞亦異維桑與梓頗述其詳以貽哲工鑒焉甲寅歲七月記

愁霖賦 井序

文集賦

入

仲宣初客荊州景升以文詞見畜中原多故羣雄逐進荊州據上流之勢季穀順成積備既饒主人無遠略之志坐時廢日歲月如流既爲登樓賦以寄其悲會春霖移月勝覽斯絕一時鄉盡拊序惕中夜聞雨聲慨思交集乃作愁霖賦以見志其詞曰

登南樓而四望兮層陰蔽於崇北雷隙澍以疏聯兮瀉潦浸於周陬淹五旬而彌霖兮歷春夏而方稠義仲失賓於岷夷豐隆扶寸而岱幽皇浩蕩其難知兮夫固非下土之所諱于是元昇改儀靈姬渟淵入柱損高天池謝川媼夫坐吟思女長歎谷推脩脩高椅嘆驚飛鷹率

陵而不揚離獸求穴以自安黑蜨夜喜白駒朝奔吹無象之不移亦何情之靡遷倚高軒而恍恍竟旦夕而忘言徒愁視而悲聽神索索而如昏客有過者見其若此也將發敗芒之瘴據幽悒之情敷衽而前稱曰方今八州從橫一隅宴清方伯揖客上館延英抱器者屬集懷瑜者鱗盈桴候無警江河珉珉平帶甲跨郡儲糧時京衢歌巷舞鳴匏吹笙足以作避世之大礪諸樂園之化成子以幕府之上士冠南州之盛聲奏才則雲蔚高談則雷驚曳珠履挽緩纓陪文燕飛雅贖然而色悄悄而若愜意蕭蕭而不勌豈智者之多慮抑亦善懷之有行乎

文集賦

九

仲宣乃儼思而若忘不自知其前席謝上客之見存殷閔余之鄙臆天道回旋兮陰陽代息箕箒衍政兮雨暘恒休咎徵上旻兮時則有尤萌昧其然兮哲察其由幹遷惟人兮豫慮而求穆悲黃竹兮旦感敷瓜淫霖爲災兮自古由嗟矧文士之易悲方旦莫而咕嗟將非物而自擾兮況茲感之獨深庭草靡兮無榮昔邪緣兮垣陰步廣欄而踟躕兮還空堂而騷賦信詩人之思勝兮難膠膠而不已貞余度之嫵媚兮羌獨儼乎君子日月坐此銷鑠兮夜漫漫其何已暮行國之寫憂兮滯余車而自柅凭前軒以長想兮見四封之若姪漢泊泊而東奔

兮荊山崩剝於其北南襟衛而隘冥兮西割吳以慘栗
指三戶之暗淡兮淫燹煙而罕發波湯湯而襄陵兮思
王土之日窄車輪載於仍陰兮又關市之強索農輟畝
而買刀兮固惟戎之是服悲華黍之既廢兮胡三季之
是積畏嶄石之涉波兮常非霜而自栗葵傾陽而違光
兮雖寸心其徒設甘絕根于谷底兮怨職暉之莫及連
率方以尊俎爲雍容開爽塏而自居燕依幙以頡頏忘
鳴鳩之卒瘡案龍劔而自飾兮猶不以爲履其徒假日
以泄泄兮忘謹度以戒虞公孫偶人兮天府以亾夥涉
勝秦兮沈沈其宮莫敖三勝兮荒谷被刑楚靈復陶兮

文集

十

投車悼傷彼建國之猶固顧一敗而不墜譬枝葉之非
害胡撥本以自窮今茲野無嘉苗室無餅儲民徂于豐
九穀錙銖夫災疹生于無朕雖堯舜其猶病疇惠君而
能逆奚狂夫而知微九府之圖國廢其實天不我將委
命其誰兵凶連延兮聖老所悲鰥寡泣周兮余實自哀
客聞斯言抵掌伊嘯曰吾子之所懷信佗僚而多勞蘊
臧文之聖智兮般杞人之所憂夫庖人之不言兮非尸
祝之所代蠅玉之出匱兮彼有司其毀敗代匠斲而必
傷兮又況斧柯之不存徒煩冤于咫尺兮忘禍福之有
根邑犬之吠兮眾所怪也曲突之早謀客之害也賜履

之悅兮風牛其左鞭免伏箱兮其又奚可使弱可輔兮
何爲乎山樞一丸封關兮職議其誣敵草救賊兮固亦
無端方州敵愾兮胡獨好難日月愉愉兮天與其安其
叔違之兮藏血遂寒奚不以趙孟之倫時考遺跡于信
陵召侍卿參羅縉傾桂醕羞燭爵樂太康之滔滔醉祈
招之惜惜嗟歲逝兮不我與樂既往兮憂駸駸章臺既
已傾秀士又已亾忽焉千輪兮麗往所傷烈士外名兮
其謀不長嗟彼是而忽思兮振古已然柏舟不飛兮予
尙何怨謠言信其有徵兮彼長人其撓天何自爲其不
廣兮心夢夢而悄悄且夫日不可翫故多暇者身不彊

文集

十一

時不可爭故首禍者命亦殃彼商蘇與荀季固順天而
敵揚嗟尼北與孟里乃違運而自彊信大德之不凶全
哲身其未創尙胡悲于連蹇斯自貽其遑遑獨不見非
時之麟定出始尼于鈕商彼豎子之微斤噫聖仁其必
傷皇假象以告文故反袂而浪浪子何爲兮耿介蘭未
燒而銜芳德方賢而穉微志婞直而自臧昧羊舌之優
游蹈龔生之忼慷同元龜之神夢徒自劓于明王憚人
犧之實難雖尾斷而距行仲宣于是絕才騁慧收視反
聽候悟默存卽宋晞登幕虛丹之無磯匪疆梁之可諱
聊乘化以推移每外交而奚聘既無悅于龍翔亦何惜

于鵬鵲朝彈絲而歌商音淵淵而如磬夕澗寐而寤言
考于槃于獨醒亮大化之不迷何煩憂于外景彼感時
而悼季豈達人之所命余以身心爲策兮大鈞爲輪四
時爲馬兮百季爲旬乘吾震兮止吾坎夫固隨所遇而
無屯彼他人之成虧與斯代之危安非私身之通塞胡
勞心而日詢豈爲一葉而遂秋兮愛孤華而早春乃沾
沾以自戚兮良造化之所曠高陵爲谷兮漁父無悲滄
海爲田兮樵蘇又奚疑宜各委其不豫而弗奸人之所
私回志從元兮心不疑明天照兮因是非固經世而不
辨矧六合之渺瀰處不材而全身終玩世而歎衰歌伐

文集賦

士

檀兮三歎信河倫之無時反陋室而日冥獨抱道而衰
回

弔舊賦 竝序

丁巳過長沙將有所感而物附之乃援筆成文詞不
加點語恍惚而無端意寥空而無極亦騷之遺也遂
題爲弔舊賦其詞曰

夫何頡頏之令姿兮眇修度而莫尋委朝華而就穉兮
信游木之空陰扳遺柯而泣露兮椅移柳于漢南悟非
秋而自荅兮感迅湍而赴侵震餘言之未達兮留嘯鳥
以告音告余音之不存兮危余心而餘情望衡門而儼

開兮臨中唐而回步苔文石而從橫艸無次而當路若
余心之失端亮離離其難緒入倂倂其忽忽出步步而
依依始循階而永歎旋望室而知非下玉墀而微吟凭
青瑣而不開昔往往而逢君今何俾余之獨歸既音塵
之永絕逝非星之莫追白日兮的的浮雲兮霍霍步櫬
兮翼翼方池兮澹澹晨雞兮時鳴乳燕兮翻翻彼雖經
而猶故夫安知余之所感覽外物之未遷將羣憂而自
寧蕩夕陽之飛陰悅余聽夫鶯鶯成春服而偕嬉妙華
齡于右髻聲宛宛而猶尋季子而遂超固之子之猶
少胡先春而遽凋況余生之及壯懼芳菲之易漂雖鷗

文集賦

士

鴉之不鳴信日及之戀條人閱世以送季情緣事而爲
夢方千歲而必消促一夕其何痛彼柏悅而蕙歎匪忘
情之所用愧學道之未能懷哀心而一送儻願影而同
趨亦何悲之獨重重吾心之幽耿甯可喻于解詞惆悵
媒之未安實佳人之我欺曰非咎之在子將託恨于隣
伊將引譽以自尤又非意之可期告重泉而猶難矧覲
問之狐疑申禮防其必峻詎目成之汝貽既孤而必
絕心已獨其必傷辭慈母之昇思甘歸身于九壤靈便
慧以自如脫煩寃而鶴翔忽戢翼以下臨見幽室之孤
光愴令心其眷眷庶變婉而旁皇余亦舍而永訣恨再

至其無由既懷愴于無窮將卒歲以優游捐君佩于湘
潭絕余襟于秦北永百載而不尋奚華屋之能壽過高
門而無願光垂涕而自收

上征賦

惟咸豐之有八兮

詔集士而待試羣彥企于嘉會兮吾亦從眾而赴期出
里門而涉渭兮夕杖策于雨湖聞海上之異警兮初擊
轡而時曙惟進取之有時兮彼馳騁其安適指長沙而
適回兮觀一觀乎賈策伊左卿之負聲兮宜憂近而慮
遠顧豫防之無患兮寄一匡于微管管越竟而撫狄兮

文集賦

古

左空國而待夷雖乘權之異時兮知其志之不恢亮宏
謨之無望兮謝出位之多思既佗僣于桃轂兮悵憑心
而忝之乘復陽之良辰兮吾友告余以並駕日暖暖而
將雨兮及石馬而託舍懿尹公之仗節兮固吾國以成
城奄倉皇而喪元兮信雖敗而猶榮方寇騎之長驅兮
眾恬怙而無備民趨市而內兇兮將張弩而外蹕苟交
綬而圖利兮彼蹕蹕其數圖屬結纓以寄命兮揮魯戈
以爲邊騷雲積于四隅兮暗千鼓而不鳴驚風但此荒
瓦兮陽慘慘于故營胡邦人之無澤兮廟祀闕而無託
彼興心以競炎兮亦疇弔此零落江羅外而赫奕兮瞿

鄧沒而無祭同功施而異報兮雖忠孝其猶藉勢屯余
車于醴陵兮想王喬之所居瞻陽歧而息心兮誦止觀
以冥虛過甘祠而憑軾兮指湛橋而私哂嗟世亂之識
忠兮陋一第之自窘道袁臨之列城兮遺黎語乎蕭劉
感戴侯之鄉兵兮信指蹤之勝籌藩四國以維城兮若
蠱鼻之思仲委雄畧以待援兮詫南人之獨勇寇兵固
其循環兮幸飢鷹之飽鷹鮮山羊而補牢兮又剝肉而
醫創消劍光于豐城兮就嬰池余將洗馬溯梅徐之高
烈兮希嗣塵之終寡眷舊游于六秋兮實濬謀而無羈
知交忽其凋喪兮向何惜滕閣之卒續指南浦以懷人

文集賦

十五

今各遵亂而蔽處壯江鄧之壘守兮固異趣而同武豈
守廬而戰紂兮懼挫鋒而民訑悲禍生于蕭牆兮乃露
刃以反弓昔文成之禽濠兮惟一戰以奏捷逮移師以
討寇終不靖于藤峽彼一人之經營猶難易之相遠火
易燔于方炎艸難圖于滋蔓眷風塵之漫漫觸余思之
腕腕欲少留此東湖兮閱流波而增愁緬長路其猶遠
兮命僕夫吾脂軸吾友既婆娑而見轍兮行涼涼兮怨
阻出西城而攜手兮指高塘以告于昔人識夫城郢兮
恃登陣以自嬰顧下策以扞民兮子無譖夫漆城勉從
命而趨藝兮愧陶督之綜密咨土木之爲灾兮余懼惜

以冒責信塵網之廣張兮與子愿乎冥鴻就西塔而分
道兮渡武陽而濯纓慕叔倫于棲賢兮將回轡而不可
仰王謝之高風兮夕余宿乎汝左踐文橋而拂霜兮見
荒垣之言言合兩軍而雷攻憶李生之出滄選文士以
典兵尙詩禮之敦說胡腹心之不謀各競志而異節既
雁行而峙嶠兮眾懷難以塞胸嗟否臧而與尸兮殲我
良兮耿林耿林既授命兮憤義師之解甲苟戎馬之軼
疆亦何術之可挾茲寇昏其非狡兮非吾壘之難犯平
原衍其百里兮余竊危其無險路英巨而左轉兮渡昉
川而聊惕徑回復以嶮嶮兮悅松竹之冬媚何建昌之

文集賦

十七

偏屯建旗鼓於窮阿望閩越以備邊愁將帥之蹉跎聽
吹螺而夜興悲涼月之映沙燭間閭以鄉晨哽吾弔夫
三河慨成功之在天兮惜投閒之將老余旣不倫於琨
逖兮亦安用此佻巧且隨流而平進兮奚壘上之足慕
揖華岡而請辭兮倚雲林而遵路徑金谿而直指兮惻
廣廣之橫術披積膺之長蒿哀寡妻之鶉結遭亂離其
亦多兮獨茲邑之靡遺重旅懷之幽憂兮溯寒風而涕
洩驚怪峯之峻嶒兮知貴溪之藏育彼道陵之遺河亦
豈重于圖籙包詭譎而容九流兮實

帝王之道廣粵舍身與毀像兮蚩梁周之擾攘遵同洲

而展轉兮駐雙轅于河口鑒弋溪之皎鏡兮攀上饒之
衰柳美沈侯之填撫兮紹嘉會之撫綏匪形勝之獨長
兮智謀定而不疑旅人勞乎道長兮歲將盡而又雪壓
玉山之逶迤始艱難而望浙昔康樂之剖符此屢杖之
所經匪吾人之獨游誦遺詠以自甯于是距陸情畢汎
紉務閒引睇姑蔑回眄常山望陂陀激潺湲女涓持楫
吳絳攬牽容與中流歌吹清川嘲深源之書空誕王質
之遇仙渡衢州之浮橋兮聞鼙鼓之猶警豈堅城之禁
帶兮坐解圍其亦幸余聞侍郎之言兵兮謂衛專乎杭
扼今來覽其向背兮懼茲言之理隔徒斂兵而乘城兮

文集賦

十七

將浮舟而徑濟儻舍嚴而忘鎖兮懼貽悔于來事眺龍
邱而弄潏兮趨建德而未撓入嚴瀨而擊汰兮峰駢曼
以峭聳緬房宗之高名昔俱蹟于百里不遭會以自達
兮終淹頓而莫紀信卑位之寡績兮樂飛遁以在山企
子陵之幽棲兮道冲澹而無干任治亂之迭運兮豈妨
余之垂綸戒阿諛之絕領兮實片言而箴官守故態而
無渝兮焉屈志之足云人自尊其天子兮余猶觀乎故
人何太史之管窺謂上感乎天文眇寒江而喟然兮夜
獨寐而誰言明晨謁于桐君兮冰雪清兮崢嶸過戲山
而乘興兮感寒林之無驚識前哲之所賦兮躊躇于

茲岸雖託物以寄哀兮非斯邦之所產惟荒林之如昔
兮引余舟于富春懿吳皇之矯手兮識興廢之由人涉
漁浦而宵濟兮無野老之望北縱逸棹以超越兮及浙
江之安流歲既改情亦倦兮吳山趾兮且息游名都之
廣遠兮感高壙與阨室情與貧其相躡兮甯佳麗之足
夸參元會之盛宴兮欽軒輶之食蔬望虎林與鳳皇兮
先聖皇之省方陸巡狩而轍馬兮儼六龍而高騶嘉民
物之阜康兮曾百年之全盛行宮館其已荒兮矧王謝
之舊巷仰聲靈終不滅兮猶艸蔓乎

御碑訪故宋之殿闕兮宜黍稷之離離若知富貴之必

文集賦

十六

銷兮益早靜以處冲思林逋之窮窈兮曾不爲衰盛而
異同瞻周城之靡迤兮疑陳亮之欲灌表吾山以洩流
兮亦龍盤而蛇貫宋南渡之遷依負海隅以爲京賴江
淮之委輸雖失勢而可疆彼天命之豈改卜人心之未
忘痛弱主之荒忽苟旦夕而要盟古夷狄之薦侵專竊
內之瑕釁度力爭之難取姑取和以徐診敵計窮而乞
和胡恒憊而不察徒渙忍以臨位俾義勇之氣閉與東
手以割地毋甯敗而失之與增幣以齎糧曷姑棄以爲
軍貨君俯張而神索民惡憤而心離卒自墟其家居亦
誰爲之流涕余觀乎宋宗之方播蕩也身顛貼于幽房

文集賦

十九

茹餘毒而渡江知非職不足以自立非將不可與圖功
故猶推較授鉞夢想頗牧寄權閭外號召巖谷立百年
之基庸十世之錄旣分割而小康樂宮闕之煥居目不
覩鋒刃之苦耳不聞切直之謨故甘以臣姪之空號易
聲色之實娛故四將喋血而不足一相搖舌而有餘而
當世詞賦之士人自謂枚馬之徒猶相與夸錢唐之形
勝鑒西湖之歌舞不亦俱乎處約資于陰謀忍詬貴于
自彊觀句踐之石室猶前沈而後揚何趙構之無恥據
天下而自喪滋和戰之紛紛余至今爲慨悼錢王之
英姿獨奮武以應敵歷千年之蒼蒼空靡曼以文飾豈
東南之寶盡兮曾不見乎褚陶傾邵叟之雅望兮託雉
堦以內交甯土風之清嘉兮獨莊嶽之一辟感菁莪于
泚陵兮汎楊舟而奚繼吾旣無可襄同兮遂揚帆于石
門式超相之舊宅兮及宣公之里閭泊由拳而弔嚴兮
想文章之遇主選高風其已微兮憫詞人于千古滯柏
尊之餘醪兮澆劉生之古土寒颺厲而雲陰兮登高橋
而平望觀長行之藝桑兮緬前修而增悵昔郗女之微
行兮子輿亦稱乎牆下惟五十之見黃兮甯耀美于簪
組慨被服之纖靡兮徒炫靚以藻江婦休質而修容兮
僅食女之趨工氓重困于稅斂兮男棄鋤而操杆旣摩

財而悔注兮又傷農而害女苟以粟而易帛兮將百石而一饑飢返侈而崇酒兮願拔桑而植稷儀文正之治蘇兮想韋白之清靜渡關門之飛閣兮發吳趨之高詠美哉此邦誠東南之文苑也就余所聞已蕙藉于篇卷矣若夫願陸之族張范之望米沈高楊之風姿篇章書畫之談陽信關代之多賢惜綰紵之無訪游願園而長獻稱季野而抗手周覽既倦乃登虎阜撫五人之碑杯要離之士坐生公之講石窺靈巖之洞戶惟蘇杭之縣富兮總財賦于東南矧西湖與茲北兮冠名勝于古今曷臺榭之傾崩兮淒滿目兮蕭索知物力之已窮兮雖

文集賦

王

X

信美而非樂悵盤桓而出宿兮望江波而感胥心福惜以慰楚謀陰猥以亂吳嗟薦諸而招語審進賢之爲國將申憤而恣怨晚獻忠其奚益哀夫差之驕矜羌捕蟬而忘雀忠扶目而猶懸死掩面其安託指高臺之嵯峨兮麋鹿游其曾顛怙驕功而好詔兮施與旦其偶然惜初業之鮮終兮豈存亡之怨天天與人其相推兮治亂其誰宰眇吾身之隨遇兮怨無涯于涉海望惠山之夜秀兮欲酌泉而路絕指交道之發弩兮傳楊彪之守錫過蘭陵而慕蕭何一門之多材文人非帝王之器貴盛爲爭奪之階卒同氣而推刃覆社稷而爲灰指北顧

而遙歎停丹陽而遲回尋漕渠之通津已涓涓而絕流悲轉漕之勞費兮懼天京之無蓄噫神禹之營翼兮詎焦思于通貢空仰食其必困兮俾幹弱而外重昔聖道之論財貴生眾而食寡明都燕而因循兮反託命于賈魯我

憲皇之選思兮爰講咨于溝洫臣觀費而告難兮終鮮神于民食民既不足與慮始兮國亦絀于糜財懷鄭白而興歌兮假時日其儻能勉詰屈于窮濱兮啗嚴鉅之游涼出越口而揚舲兮譬吾志之不小焦山既無淹薄兮愿邵湖而懷謝賦廣陵之蕪城兮永舊條夫何故余

文集賦

王

X

素慕彼清貞兮橫露筋之荒祠女杖節于顛沛兮固剛士之所師倦歷覽于江北兮憑壯心于淮安弔韓王之乞食兮知一飯之實難儼長大而受侮兮宛螻屈于泥塗忽嵯峨而登壇兮矯龍驤于高衢始帶劍以游里兮惜不耻于市侮胡執珪而分國兮仰自恥于噲伍人生屈申于知己兮惜漢祖之難託要割地而後會兮亦英慮之一錯西循淮而需沙兮尋黃河之合流慨水勢之變易兮悲涸運于沈攸望朔涂而迴深兮告涼野之險艱息金城而愬飢兮始詰蹶于一餐輟輒牽綴而輪傾兮嘆執御之非正入方箱而盤踞兮笑伏軾之爲敬初